

疆

邦

華

書



國

史

記

卷



竹友詞目錄

鵲橋仙

菩薩蠻二

生查子

如夢令

浣溪沙

偷聲木蘭花

醉蓬萊

減字木蘭花三

虞美人二

蝶戀花

定風波

江神子

竹友詞

臨川謝邁幼槃

鵲橋仙

月朧星淡南飛烏鵲暗數秋期天上錦樓不到野人家
但門外清流疊嶂一杯相屬佳人何在不見繞梁清
唱人間平地亦崎嶇歎銀漢何曾風浪

菩薩蠻陳虛中席上別李商老

雪消新洗寒林碧華堂向晚開瑤席一曲杜韋娘有人
空斷腸謫仙同夜宴曉卽歸程遠莫放酒尊空主人

陳孟公

又梅

相思一夜庭花發
窗前忽認生塵襪
曉起豔寒妝雪肌
生暗香
佳人纖手摘手與花同色
插鬢有誰宜惟應
潘玉兒

生查子

和李商老

情親難語離
且盡玻瓈瓊雙鯉
有來時莫使音書緩
征驂去若飛
不道家山遠
相見小馮君
笑語迎歸鴈
如夢令

陳虛中席上作贈李商老

人似已圓孤月心似丁香百結
不見謫仙人孤負梅花
時節愁絕愁絕江上落英如雪

浣溪沙

陳虛中席上和李商老雪詞

柳絮隨風散
漫飛檐冰成柱
粟生肌力排寒氣
賴金卮

賦麗誰爲梁苑客調高難和郢中詞且煩呵筆寫烏

絲

偷聲木蘭花梅

景陽樓上鐘聲曉半面啼妝勻未了斜月紛紛斜影幽
香暗斷魂玉顏應在昭陽殿卻向前村深夜見冰雪
肌膚還有斑斑雪點無

醉蓬萊中秋有懷無逸兄并示何之忱諸友

望晴峰染黛暮靄澄空碧天銀漢圓鏡高飛又一年秋
半皓色誰同歸心暗折聽唳雲孤雁問月停杯錦袍何
處一尊無伴好在南鄰詩盟酒社刻燭爭成引觴愁
緩今夕樓中繼阿連清玩飲劇狂歌歌終起舞醉冷光

凌亂樂事難窮疏星易曉又成浩歎

減字

木蘭花

和人梅詞

江邊一樹愁絕黃昏誰與度琪樹瓊枝不受雄蜂取次
欺風前望處直恐乘風吹得去能動詩情故與詩人
獨目成

又

中秋

尋常三五坐待丹山飛玉兔試問常娥底事清光此夜
多尊空客滿縱有鸛鷀無處換不倒金荷可柰金波
潑灩何

又

贈棋妓

風簟度曲倦倚銀屏初睡足清簟疏簾金鴨香銷嬾更

添纖纖露玉風電縱橫飛鈿局顰斂雙蛾凝佇無言
密意多

虞美人九日和董彥遠

金釵盡醉何須伴萸糝浮杯亂黃花香返嶺梅魂好把
一枝斜插向烏雲坡詞欲唱無人會桃葉知何在與
君同詠一聯詩但道老來能趁菊花時

又

人間離合常相半璧月寧長滿九秋風露又方闌何日
小窗相對話悲歡月華臨夜宜人醉老去嗟顏悴君
如玉樹照清空況有凝之道蘊一尊同
蝶戀花留董之南過七夕

一水盈盈牛與女目送經年脈脈無由語後夜鵲橋知
暗度持杯乞與開愁緒君似庾郎愁幾許萬斛愁生
更作征人去留定征鞍君且住人間豈有無愁處
定風波七夕莫莫堂席上呈陳虛中

牛女心期與目成彌彌脈脈得盈盈今夕銀河憑鵲度
相遇玉鉤新吐照雲屏行旆雍容留宴語將暮方攜
珠袖到山亭寂寞江天正雲霧回顧不應中有少微星
江神子

破瓜年紀柳腰身嬾精神帶羞瞋手把江梅冰雪鬪清
新不向鴉兒飛處著留乞與眼中人水精船裏酒粼
粼皺香茵駐行雲舞罷歌餘花困不勝春問著些兒心

底事纔留笑又眉顰

畫墁詞目錄

江神子

朝中措

賣花聲

書

目

錄

中

畫墁詞

邠州 張舜民 芸叟

江神子癸亥陳和叔會於賞心亭

七朝文物舊江山
水如天
莫憑欄
千古斜陽無處問
長安更隔秦淮聞
舊曲秋已半夜將闌
爭教潘鬢不生斑
斂芳顏
抹么絃
須記琵琶子
細說因緣待得鸞膠腸已斷
重別曰是何年

朝中措清遼臺餞別

三湘遷客思悠悠
尊俎定常開
雲雨未消歌伴山川忍對離杯
他年來此賢侯未去忍話先回
好在江南山色恁時重上高臺

賣花聲題岳陽樓

木葉下君山空水漫漫十分斟酒斂芳顏不是渭城西
去客休唱陽關醉袖撫危欄天淡雲閒何人此路得
生還回首夕陽紅盡處應是長安

又

見清波雜志

樓上久踟躇地遠身孤擬將憔悴弔三閭自是長安日
影下流落江湖爛醉且消除不醉何如又看暝色滿
平蕪試問寒沙新到雁應有來書

北湖詩餘目錄

秦樓月

江樓令

虞美人

四

減字木蘭花

八

滿庭芳

二

木蘭花慢

醉落魄

二

踏莎行

鷓鴣天

三

雨中花

紅樓慢

聲聲慢

水龍吟